



JAKARANDA VOORTREKKERKAMP



“Reik na die sterre”

jakarandakamp@voortrekkers.org.za

<http://jakaranda.voortrekkers.org.za>

Posbus 1266

Garsfontein

0042

Beste kampeerder en ouer

21 Januarie 2019

Kom kamp saam met die 35-ste Jakaranda Voortrekkerkamp op Die Voortrekkerplaas te Hartebeesfontein, sowat 50km noord van Pretoria. En ons hou 'n deurlopende **verjaarsdagfees**. Hierdie brief bevat kaminligting.

1. PLEK EN DATUM

Die amptelike duur van die kamp is **Woensdagaand 20 Maart 2019 om 18:30 tot Sondagoggend 24 Maart 2019 om 11:30** en word gehou op die Voortrekkerterrein, **Hartebeesfontein**, sowat 50km Noord van Pretoria. Voorsien asseblief **eie aandete vir Woensdagaand**, eerste ete is eers Donderdagoggend uit die kombuis.

2. SLUITINGSDATUM VAN INSKRYWINGS

Inskrywings sluit **Vrydag 1 Maart 2019 en betalings teen 8 Maart 2019** by bogenoemde adres of gebiedskantoor vir inskrywings en oorbetalings. Slegs plaasvervangings binne kursusverband kan na die sluitingsdatum geskied. Inskrywings wat na die sluitingsdatum aanvaar word sal onderhewig wees aan laat fooie van **R40** per inskrywing

3. WIE KAN INSKRYF

Skryf asb soos volg in:

- a) Voortrekkers wat in gr. 3, 4, 5, 6 of 7 is - **Vorm A**.
- b) Voortrekkers wat in gr.1 en 2 is mag kom kamp as hulle **eie Spanoffisier of hulle ouers** hulle vergesel - **Vorm A**.
- c) Diensdoende volwassenes (Offisiere, Heemraadslede, Staatmakers, Vriende en ouers) - **Vorm B**.
- d) Verkenners - **Vorm C**.
- e) Kinders van volwassenes op die kamp, jonger as gr. 1 - **Vorm D** (Kapokkie) - hulle doen nie 'n kursus nie maar word konstruktief besig gehou.
- f) Opleidingskursus vir volwassenes: **Voortrekkerspyseniering - Vorm J-O1** Let wel, Spyseniering is **NIE** deel van die Kombuis nie.

Die kampbrief is ook elektronies beskikbaar by www.transvaal.voortrekkers.org.za; volg die PD sake en dan gebiedskampe skakel. **Alle** inskrywings moet deur die Kommando geskied. Alle Voortrekkers wat inskryf vir die kamp, moet **reeds** by die Gebiedskantoor vir 2018 geregistreer wees. Vul hierdie registrasienommer op vorm in. Al die inskrywingsvorme word betyds aan die kommando deurgegee vir opsommings en deurstuur na die kamp.

4. KURSUSSE

Let asseblief daarop dat **Redding slegs 20** kursusgangers, en **Beeldende Kunste slegs 30** kursusgangers en **Sterrekunde slegs 50** jeuglede kann akkommodeer. Plek kan **slegs op SAS bespreek** word vir hierdie kursusse en dan opgevolg word met die inskrywingsvorm en die kammgeld teen die sluitingsdatum. Daar kan vir **slegs 1 kursus** in die jeuglid se graadgroep ingeskryf word.

Graad 1: Kind van Jesus

Graad 2: Veldkook

Graad 3: Handwerk, Plantwaarneming.

Graad 4: Noodhulp, Vasbyt, Versamelkuns (36).

Graad 5: Ekosorg, Touwerk, Weerkennis.

Graad 6: Redding (20), Spoorsny, Beeldende Kunste (30), Sterrekunde (50)

Graad 7: Medemens, Erfgrond.

Volwassenes: Spyseniering (Koste beloop R750 - sluit kursusmateriaal en voorskoot in)

Ouers dra asb. kennis van die inhoud van die spesialisasie waarvoor kind/ers inskryf. Spesialisasievereistes is beskikbaar op Jakaranda se webblad. Die kinders doen aktiwiteite wat wel konsentrasie verg, dus maak seker die nodige medikasie word saamgestuur.

Die Voortrekkerspyseniering kursus word vir volwassenes, wat daarvoor inskryf, aangebied tydens die kamp. Daar is 'n goeie balans tussen die teorie en die praktyk. **Dit is nie Kombuisdiens nie.** Die kursusganger word opgelei om as kampkok en Voortrekkerspysenier op te tree. Onderwerpe sluit in: Gees in die kombuis; Gebalanseerde maaltye; Verskeidenheid van disse; Spesiale diëte; Beplanning; Spyskaart; Hoeveelhede; Begroting en aankooplys; Kombuistoerusting; Noodhulp in die Kombuis; Kombuisuitleg; Kombuishigiëne; Voedselhantering; Noodtoestande in kombuis; Tydskedule opstel; Diensspanne; Algemene wenke; Etiket; Beeldbou; Veldkook; Entrepreneurskap. 'n Minimum van 5 kursusgangers is nodig om die kursus sinvol aan te bied. Bespreek jou plek by die kampsekretaresse vroegtydig.

5. VOLWASSENES

Alle volwassenes moet bereid wees om in enige van die afdelings op die kamp diens te doen, nie net saamloop met die kursusse nie, maar ook aktief help met aanbiedings, toepassing van dissipline, diensbeurte, ens. Kursusleiers sal jul vooraf kontak om reëlings te tref vir take

binne kursusverband. Ons sal probeer om jou volgens jou keuses te plaas. Dui asb jou eerste **5 keuses** aan by wyse van voorkeur. **Opsommingsvorm F** moet asseblief volledig deur die AKL-Admin van elke Kommando ingevul word vir hierdie doel. Let wel: Inskrywings wat **laat** ontvang word, word geplaas na gelang van behoefte by kursusse.

5.1 Vir **elke 8** Penkoppe/Drawwertjies wat kom kamp moet daar **een diensdoenende volwassene** saamkom wat vir die **volle duur** van die kamp op die kamp teenwoordig sal wees. Volwassenes moet vir die volle duur van die kamp teenwoordig wees indien hulle by 'n kursus betrokke is. Kampraadslede staan in diens van die kamp en kan nie gereken word as 'n kommando diensdoende volwassene nie.

5.2 Indien daar kinders met spesiale behoeftes en gestremdhede in die kommando is, moet die kind deur 'n volwasse persoon vergesel word. Dui dit duidelik op die inskrywingsvorm.

6. KINDERS VAN VOLWASSENES

6.1 Toesig en 'n program word gereël vir kinders tot en met Voorskool (Gr R). Hulle is die Kapokkies en vrywaringsvorms moet ook vir hulle voltooi word as hulle nie reeds ingeskrewe lede van die Voortrekkers is nie.

6.2 Verkenners en hul spanmaats word in die kamp se taakmag opgeneem wat bepaalde gewaardeerde dienste aan die kamp lewer. Daar sal werklik gepoog word om dit ook vir hulle aangenaam te maak.

7. HUISVESTING

Daar word in tente tuisgegaan. Seuns en dogters apart. Eie tente moet voorsien word. Sorg moet asseblief gedra word dat die tente in 'n goeie en **reëndigte** toestand is. Vir volwassenes wat nie eie huisvesting het nie is daar beperkte slaapplek in die slaaplokale beskikbaar. Karavane en tente is ook welkom vir volwassenes. Volwassenes kamp nie tussen jeuglede nie. Geen jeuglid in graad, 3 tot 7 wat kursus doen, slaap in die kamers of in die karavane nie.

8. KAMPSELDE

Kampfooie beloop R670 per kursusganger. Persone wat diens doen se fooie beloop R570 en Verkenners betaal ook R570. Kombuisspan betaal R300. Kapokkies - 0 tot 2 jaar is gratis en vanaf 3 jaar - Gr R betaal R410. Alle betalings moet per **kommandotjek / internetbetaling / direkte inbetaling**, met strokie as bewys, geskied. **GEEN** kampgelde word terugbetaal nie - 'n plaasvervanger kan wel ingeskryf word.

9. VERVOER

Kampeerders/Kommando's is verantwoordelik vir **eie** vervoer na en van die kamp.

10. BESOEKERS

Ouers en ander belangstellendes word geleentheid gebied om Woensdagaand saam op die kamp

te kuier. Bring jul eie piekniekmandjie met eet- en drinkgoed saam. Tydens die besoek is die besoeker onder die bevel van die kampleier. Alle besoekers moet die terrein teen 21:30 verlaat. Die hekke sluit 21:45.

11. KAMPDISSIPLINE

Ingevolge die grondwet en reglemente van Die Voortrekkers is die kampleier verantwoordelik vir hantering van dissipline. GEEN persoon mag die kampterrein betree of verlaat sonder sy toestemming nie. Indien 'n inskrywing aanvaar word, onderwerp die persoon hom aan die kampleier se gesag.

12. KAMPBENODIGHEDE

'n Kampbrief wat sal bevestig by watter kursus 'n kampeerder ingedeel is, met die lyste van alle kamp- en kursusbenodighede, sal gestuur word **nadat die inskrywings gesluit** het - ook op Jakaranda webwerf beskikbaar.

13. JAKARANDAKAMP T-HEMDE

As deel van die kampgeld **sal elke kampeerder 'n FEES T-hemp ontvang**. Inskrywings ontvang **na** die sluitingsdatum kan nie 'n fees t-hemp gewaarborg word nie maar kan 'n hemp in dieselfde kleur ontvang. Maak asseblief seker van die grootte van die T-hemp vir die kind. Groottes word gemeet deur die hempie op 'n plat oppervlak te laat lê en dan van onder die een mou na die ander mou te meet. Elke kampeerder sal 'n pet ontvang.

14. GRAAD 7's

Ons wil julle graag daaraan herinner dat die bywoning van gebiedskampe een van die vereistes vir die toekenning van die Voorslag P/D onderskeiding is, so ook die Medemens of Erfgrond spesialisasie.

15. POPI wet

Daar word deurgaans op die kamp foto's en video's geneem van kampaktiwiteite. Geen name van kampeerders word met die foto's gekoppel nie. Hierdie foto's en video's word weer vir bemerking gebruik. Indien 'n jeuglid nie op 'n foto mag verskyn nie, moet dit so aangeteken word op die inskrywingsvorm.

16. NAVRAE

Navrae kan tot die kampleier en die kampsekretaresse gerig word by jakarandakamp@voortrekkers.org.za

Kamplieer:	Jan-Albert de Kock	071 380 9757
Kampsekretaresse:	Annemaré de Kock	083 554 2181
Kamp adjudant:	Liesl Krause	082 786 7485

Ons vertrou dat ons op julle kan staatmaak om van hierdie kamp 'n sukses te maak.
Jakaranda Voortrekkerkamp groete,

JAN-AIBERT DE KOCK
Kamplieier

ANNEMARÉ DE KOCK
Kampsekretaresse